



Kia rere au ki ngā rangi tūhāhā kia tau atu au ki tōku taumata

➤ Ko ahau

Ko koe tonu te manu tukutuku – ko ō wawata ēnā, ko ō whāinga mōu ake, mō tō whānau, mō tō rahi, mō tō ao. Pērā anō i te rere a te manu tukutuku, tērā tonu ka kōpikopiko, ka titaha koe i ū rerenga i te ao nei e tae atu ai koe ki te taumata tika mōu. Waihoki, he wā tōna ka topaki noa, he wā anō kua topa, kua rere whakaangī.

➤ Tōku kāwai rangatira

Ko ngā parirau o te manu tukutuku tō whānau, ū hapū, ū iwi, ū tūpuna, nāna i rere ai koe, ka mutu, kei ū taha tonu i ū hāereere katoa i te ao nei. Inā rā, ko koe te kanohi ora o ū whakapapa – ko koe, ko tō whānau, ko tō rahi tēnā e rere tahi ana ahakoa haere koe ki hea.

➤ Ōku tohu, ōku pūkenga

Ko ngā huruhuru whakarākei ngā tohu mātauranga, ngā pūkenga, ngā wheako me ngā hononga ka tuituia e koe i ū takahanga i te ao. He whai tikanga ngā huruhuru katoa, koia e tohu ana i te ahunga o te rere e tae atu ai koe ki te tino taumata mōu.

➤ Taku taura here ki te taiao

Ko te taura tō hononga ki a Papa-tū-ā-nuku, ki tō tūrangawaewae. E whakamaumahara ana ahakoa tae atu koe ki hea i ū haere i te ao nei, e kore rawa koe e ngaro ki te āta mōhio koe ko wai koe, nō hea koe.

➤ Taku kurutao

Ko te tinana o te manu tukutuku e tohu ana i te tautoko mai a ū hoa, ū kaiako, tō kura me te hapori. Mā tēnei āwhina koe e hoka ai i ngā wā o te uaua, mā rātou anō e whai wāhi ki te whakanui i ngā mea ka tutuki i a koe i ū umanga.

➤ Ngā hau e whā

Ko ngā hau e tohu ana i ngā uauatanga, i ngā āhuatanga ka tūpono te pā, me ngā ara tuwhera tērā ka kawe i a koe i ū takahanga i te ao. Ko ngā hau ēnā e wero ana i a koe kia puta tō ihu i ngā āhuatanga o te wā, e topa tonu ai koe ki te whakatutuki i ū whāinga.

Ko te ara mahi ...

... te ara ka takahia e koe i ū rā ki tēnei ao, e eke ai koe ki te taumata e tika ana mōu, e whai wāhi ai koe ki te oranga o tō whānau, o tō hapū, o tō iwi, me te ao Māori nui tonu.